

OMUKWETU

Oshifo shOngerki onkwaevangeli paLuther yomOwambokavango / Die Tydskrif van die Evangeliese Lutherse Ovambokavango Kerk

No.22

NOVEMBA

1966

EPANGULO LAXUUNINWA

Mat.25:31-46.

Ope na tuu ou ta dulu okuya o-nhapo efiku lepangulo? Ahowe nande. Jesus okwa ti: Aame A na Z, etameko nexulilo. Onghe aishe oya dja muye nde otai shuna kuye. Aisheishe oi li mongonga yaye nde a tonyena onyuni peke laye. Kape na ou ta dulu okufaduka po. Osheshi mEpsalmi 50 otwa leshe:

Kalunga omunaenghono ota popi nde ta ifana edu alishe koushilo nokouninginino. Ota ifana eulu nedu opo a pangule ovanhu. Oye ote uya ita mwena. Omundilo hau lyana otau mu tetekele nde a kundukilwa kokafudaela kadjuu. Kalunga ta holo-ka mo muSioni a djala evadimo. Motekisti otwa leshe: Oiwana otai ongelwa koshipala shaye. Oye ota ka tya kovaengeli vaye: Ongeleleinge ovayuki vange. Ota ka lombwela ovanhu: Udeni nge, vanhu vange, efeni nge ndi popye. Ofye atushe ohatu ka

fikama koshipala shaye, twa mwena nokukakama. Nena ndi shi ohatu fangula nde hatu popi ngaashi twa hala, ndelene efiku letokolo ohatu ka tya filu.

Oye ota ka yoolola eedi moikombo. Ame ngenge oshikombo, ile o-ve ngenge oshikombo, ohatu ka yoololwa mo meedi. Oikombo tai yuka komupya kolumosho, kekano. Ofye ovashike mbela mefiku letokolo? Ndi shi omulunde oye oshikombo. **Oulu-nde** oo tuu tau pangula mwene. Oikombo, hano ovalunde, mefiku lepangulo, otava tewa po koshipala sha-Kalunga nelombwelo: **Djeni po pwaame, onye ovafingwa, onye ovakoloko-shi.**

Otwa leshe, ovashima ova tewa-tewa po, osheshi inava yakula ovapofi, oingudu, ovakulupe, eefiye, omalai, ovayananghwengu, ovafilambada, eehepele, ovanaudu, ovaendanandjila nosho tuu. Inave va ningila sha mokukalamwenyo kwavo. Ova kala nouluva nonyanya. Ova kala ve na okakofi, va kala nefupa nofundo nondubo. Jesus ta tale ohole yetu yoku mu hola, nge hatu yakula ovanaluhepo, osheshi nge tu mu hole, ohole oyo otai tu fininike okukwafa ovakwetu. Ta ti: Eshi inamu kwafa ava va hepa, aame inamu kwafa onghe djeni po.

Ovayuki, hano eedi odo da tulwa kolulyo, odo da yakula ovakwanaluhepo mokukalamwenyo kwavo eshi va fininikwa kohole, Jesus te va lombwele: Onye ovanangekwa noupuna. Indeni mo mu ka fyuulule ouhamba mwe u longelwa keshito lounyuni.

Tu henhuke diva ondjila yoshikombo, ondjila youlunde. Tu longeni oshilongatumo noshilongayakulo divadiva, osheshi efiku lepangulo, efiku lekonakono, otali uya diva.

L. M. Shemuvalula.


Mefano eli otu wete okaalita younyuni. Jesus a fikama nde a tala onyuni aushe. Mefiku lepangulo aishe i li koshipala shaye.



x.



Ope na efiku laxuuninwa olo efyo lange ile loye. Katu shii onaini tali tu vakele. Efan- no eli otali ulike efyo lomuyuki. Shetupo okukala twe lilongekida.



OMUKWETU

Novemba 1966

ONDI ITAALA EGO- NGALO LIMWE EYAPUKI LYAAKRISTE AYEHE

Eti-31 lyaOkotoba 1517 ondohotola Martin Luther okwa tula omato mpelo 95 komweelo gwongerki yoku-Wittenberg. Onkee esiku tuu ndyoka tali talwa esiku lyeelitho lyeitaalo.

Omumbisofi gwaLubech, Dr. Heinrich Meyer ota nyola ngeyi: Omuntu oku li mepuko enene ngele ta dhiladhila kutya, Dr. Martin Luther a li omuntu omunandumbo nomutanganalali ngoka i ikutha mo mongerki onkwakatoli yopaRoma. Osha li oshinima oshidhigwelela kuye okwiiteka ongerki ye mwene ndjoka e yi hole nando a dhimbulula omapuko gayo. Oye a hepekwa aluhe noonkondo kedhiladhilo tuu ndika kutya, oye, omwiikaleli omufupi, okwi itaale nokwa longo pandjila yi ili, hangaashi ongerki onene. Omolwashike mbela oye a li e nokutseya nawa e vule aambisofi naaprofessori yokombanda? Onkee oye okwi ihepeke aluhe sigo okoshigongi shoshilongo sha ningwa kuAugsberg, opo a kale nombili nongerki onkwatooli yopaRoma nokuholola kutya, eitaalo lye nelongo lye kali shi lyopombambo (uheresi) nokali shi lyopondje yOmbimbeli.

Ihe omupapa naapangelingerki inaye shi idhidhimikila kutya, Luther okwa ningi omapulo gopahapu dha-Kalunga nopaMbimbeli nokwa uvitha ngaashi a lesa ohapu yomOmbimbeli. Luther a kondwa mongerki. Okwa li tuu mbela natango omukriste? Eeno, oshoka ngaashingeyi ta ndhindhili kutya, Omuwa Jesus ine mu ekelahi ngaashi ongerki ye ye mu tidha mo. Okwa mono kutya, ongerki ndjoka, moka Jesus Kristus oye Omuwa, oyo onene unene yi vule ongerki onkwatooli yopaRooma nenge ongerki yontumba onkwawo. Moongerki adhihe Jesus e naantu ye mboka ye mu itaala. Oye, Luther, okwa mono egongalo limwe eyapuki lyaakriste ayehe, ndyoka tatu li he-

OONTOKOLWA DHEPANGELONGERKI

1

Omumbisofi L. Auala a hiywa nokwa yile koshituthilangeko muumbisofi shomumbisofi omushawana, Rt. Rev. D. P. Rapoo, sha li ko eti-27 Novemba kuBechwanaland.

2

Aasita ayehe taa indilwa ya tume aaimbithi koshigongi shaaimbithi tashi kala mEngela eti-28/11-10/12/66. Megongalo kehe namu ze omwiimbithi gumwe. Omaimbilo gomembo epe taga longwa. Onke aayimbithi mboka itaaye ya, taa ka nyengwa okwiimbitha omaimbilo omapa.

3

Aadiakoni yotango mongerki yetu, mboka ya putudhilwa oshilonga shawo, otaa ka tameka iilonga yawo momagongalo petameko lyomumvo 1967.



Omusamane Martin Luther oku li moshuuvithilo, ota monika mpaka mefano ndika ekulu.

mpulula. Mulyo omu naantu ya zi kiigwana ayihe nokoongerki adhihe. Olyo olyuuyuni auhe. Omeho getu taga tala ashike okambinga kamwe, egongalo nkene lya tungwa, nokangu ndu okashona kaantu mboka ye li mulyo. Olyo enene, omeho getu itaga wapa oku li mona koombinga adhihe. Onkee Martin Luther ina vula wo okuzimina kutya, ookuume ke ye mu ilukile aakwaLuther. Oye oku uvite kutya, oye omushona unene ina gwana nando okashona, egongalo enene lyaJesus Kristus li lukwe padhina lye. Oye a li e neitaalo lye lya kola lyokwiitaala egongalo limwe eyapuki lyaakriste ayehe. Tse "aakwaLuther" hatwa gwana okwitaala wo ngashi ye?

VAVALI VA FYA MOSHIPONGA MEFU- TA PUSUIDWES

Edila lokamupepo (helikopter) la hupifa 25 nondunge.

Oshikepa yofulaha yovaputu yedina Ventee Otoa de Mai, oufiku umwe omafiku aa oye lidenga kema nya nde tai nyonauka. Ovaputu vavali va fila mo.

Edila lomupepo pombuda lova-polifi vaSuid-Afrika, ole uya ponhele yoshiponga efimbo la pwa po tuu, ndele la hanga venya vavali va fya omeva. Oovakwao 25 ova ndjololwa po kedila nde va twalwa koukukutu. Edila linene laSuidwes ola kufa po ovo va xupa nde le va twala kuKaapstad.

Oskepa yoovene oya li tai di ku-Caminha ya yuka kuKaapstad. Oya li i na oipilangi eetona 700, doludi lumwe na 280 (meekubike meter) yoludi likwao. Elineekelo lokuxupifa ofulaha ola li lixupi. Oskepa oya dja mondjila yayo nde ye uya momeya maxupi eshi ya mona oshiponga. Oya monena oshiponga koumbanganlanhu ombalakana nokonima Toscanini, etata lomaila okudja komunguulo wefuta.

Ngashingeyi aanaskola oya nyongameka omitse. Otaa kondjo noma konakono nomapulo oge ya thikamena. Novemba ogwo omwedhi gwokadhiya komayeme kooskola. Otaku ya esiku lye konakono lyahugunina, oto li dhiladhila tuu?

Ngele to nyolele kOmukwetu nEhangano ombilive wa hala yi yamukulwe, tuma ompunda yokushuna yi na ostombe. Mboka mu na iiketha moo-poosa dhOwambo mwa hala iifo yeni oko yi tumwe, futeni 80c ngaashi kUushimba omolwostombe.

OSHIGONGINGERKI

Oshigongingerki shongerki onkwa-Evangeli paLuther yomOwambokavango sha gongala nuumvo mEngela, eti-4 sigo eti-7 gaOkotoba 1966, konima yomimvo ndatu netata sho sha li sha gongala lwahugunina mOnguediva eti-2 sigo eti-5 ga Apilili.

Oshigongingerki osho oshike noshi na iilonga yinipo noshi na oonkondo dhi thike peni?

Tango ando tu tumbule ongerki yoyene oyo oshike, opo tatu ka uva-ko oshigongingerki noshilonga shasho noonkondo dhasho.

ONGERKI: Ongerki oyo ongundu onene yuukumwe wooitaali, ya tulwa kumwe kuJesus mwene, ya kale olutu lumwe, **OLUTU LWAJE-SUS**, nOye mwene Jesus Kristus Oye Omutse gwOlutu ndoka lwe nOye Omuwiliki gwongerki ye.

Ongerki yaKristus oyo oyimwe muuyuni auhe, ihe moshigwana kehe ooitaali yomoshigwana shoka oyo wo ongerki muukumwe wawo, oshigwana ashihe shoka shi itaala Jesus, nongerki ndjoka, kumwe noongerki oonkwawo dhomiigwana yilwe, oyo ayehe ongerki yaKristus muuyuni auhe.

Ooitaali yomaawambo naakavango oya mangwa kumwe kuJesus Kristus, ya ningi ongerki yimwe onkwaEvangeli paLuther yomOwambokavango. Edhina lyayo tali fupipikwa ngeyi: **ELOK.**

OLUTU ndoka, ongerki, olwa pewa kuJesus oshinakugwanithwa oshinene osho okuavitha evangeli lya-Kristus nokulongitha omasakramendi gaKristus nokuhunga oomwenyo nopuputudhila Kristus aanona naagundjuka nokuholola ohole yuumwayinatahana meyakulathano nokulonga oshilonga shetumo.

Opo iilonga mbyoka yi tsakanithwe kongerki, ope nokuputudhwa aayakulingerki yi ili noyi ili pailonga yawo, onke pe nokukala oosikola dhongerki dhi ili nodhi ili. Ope nokukala wo uungundulongekidho wi ili nowi ili, pailonga, niigongi yi ili noyi ili mbyoka tayi kundathana notayi tokola shoka shi nokuningwa, na nkene shi nokuningwa; ngaashi iigongi yomawilikongundu goosikola dhongerki nuungundulongekidho womambo niifo yongerki, niigongi yaakuluntu yomagonalo niigongigongalo niigongi yitayingerki noshigongi shepangelongerki. Niinima mbika ayihe, mongerki ayihe,

otayi uuthwa notayi lelwa koshigongishimwe oshinene osho:

OSHIGONGINGERKI shoka tashi lele ongerki ayihe niilonga yayo. Noshok tashi tokola shoka shi nokuningwa omolwehumithokomeho lyiilonga yopambepo mokukoleka ukriste u nomwenyo neputudho lyopakriste. Ohashi tokola wo omalunduluko ngoka taga pumbiwa miilonga yomagonalo nomokukoleka iiniwe yomagonalo, yi wape okutsakanitha iilonga yayo noshok wo iiniwe yongerki ayihe.

Oshigongingerki osho hashi hogolola omuwilikingerki nenge omumbisofi ngoka ta longo moonkondo dhasho okukwatha aasita naayakulingerki ayehe pailonga yawo, nokutonatela iilonga ayihe yi longwe pahapu dhaKalunga nopalongo ekwaEvangeli paLuther, nokutonatela wo omatokolo goshigongingerki nogiigongi yi li koho yasho ga tsakanithwe.

Oshigongingerki osho tuu hashi hogolola epangelongerki li kale hali gongala olwindji okuutha iinima yongerki peha lyoshigongingerki, oshoka oshigongingerki ihashi vulu okugongala olwindji shila okonima yomimvo mbali nenge nokuli sigo konima yomimvo ne. Onke momimvo ndhoka epangelongerki olya pewa oonkondo okuutha iinima yongerki ayihe; mbyoka yi li meni lyoongamba dhoonkondo dhepangelongerki. Ihe ngele pwa holoka omapulo omanene ga konda oonkondo dhepangelongerki, oge nokutegelela sigo oshigongingerki shoshene tashi gongala ishewe. Ihe ngele omapulo ngoka oge na eulumo enene, epangelongerki oli na okwiithana aakwashigongingerki shahugunina oyo ya ninge oshigongingerki shopaulumompumbwe shi tokole mbyoka yi li moonkondo dhasho. Nongele iinima iinene uunene oyi nokutegelela ngaa oshigongingerki shoshene shoka sha longekidhwa nawa.

Oshigongingerki ohashi longekidhwa ngeyi: Megongalo kehe lyongerki ndjoka mu nokuningwa kuyeleye oshigongigongalo shoka tashi hogolola aapeha yalyo mboka taa ka tokola iinima koshigongingerki peha lyegongalo ndyo. Omwaalu gwaahogololwa otagu uuthwa komwaalu gwaakwanegongalo, kokutya, omupehagongalo gumwe okulilepo aakwanegongalo 500 haa yi kUulalelo Uuyapuki. Omolwomagongalo gongerki yetu ge lipo ngashingeyi 41, aahogololwa yago ayehe

kumwe oya konda ethele.

Aasita yongerki ayihe oyo iilyo yoshigongingerki kumwe naapehamagongalo. Naatumwa aakiintu naalumentu mboka inaa yapulilwa uusita, otaa vulu okukala mo wo, ngele ya pita ekonakono lyelaka lya uuthwa, ihe oye na owala oonkondo dhokutya sha mumbyoka yi na ekwatathano noshilonga shawo; manga aapehamagongalo namboka ya yapulilwa uusita ye na oonkondo dhokutokola miinima yongerki ayihe.

Manga oshigongingerki shi li kokule, aasita yongerki ayihe ye nokugongala manga moshigongi shaasita ayehe, opo ya uuvathane iinima mbyoka yi noku ka kundathanwa noku ka tokolwa moshigongingerki, pamwe naapehamagongalo. Epangelongerki ngele lya pewa iinima ayihe mbyoka yi noku ka kundathanwa, olyo tali yi tula ihe melandulathano, noshigongingerki shoshene, konima yElongelokalunga lyasho, otashi tokola ihe elandulathano lyiikundathanwa yasho nkene li nokukala. Omuwilikingerki ndjoka oye omuwiliki moshigongingerki ihe oshigongingerki shoshene shi nokuhogolola wo omupehamuwiliki a yakule moshigongi shoka, mokuwilika wo, ngaashi tashi hogolola wo aayakuli yasho yalwe.

Oshigongingerki shotangotango mongerki ndjika yetu osha li sha gongala omumvo 1925 mOniipa, sha wilikwa komukuluntutumwa Nakambale, Dr. Martin Rautanen. Momimvo dhoka omilongo ne opwa piti iigongingerki yi vule omulongo, noshigongingerki shahugunina osho ihe shoka sha gongala nuumvo mEngela ngaashi tatu shi hokololelwa nawa kumeme Irja Eirola, efolo lyomukuluntutumwa gwomOwambo, naPastor P. Shipena.

Aakwanegongalo ayehe mboka ya hogolola aapeha yawo ya ka tokole iinima koshigongingerki medhina lya-wo, oya pewa wo kOmbepo Ondjapuki oshimpuyu shokugalikanena oshigongingeri nomatokolo gasho ga tunge noga koleke ongerki yaKristus mokati ketu.

Naakwashigongingerki ayehe taa tegelelwa ya landule omatokolo ngoka, ngele taga tsakanithwa tuu shili. Onke ye na wo oshimpuyu shokugalikanena aapiya yawo mboka epangelongerki nomuwilikingerki. Tangi komagalikaneno ngoka.

Omumbisofi L. Auala.

OONKUNDANA DHOSHIGONGINGERKI

Oshigongingerki shOngerki onkwa-evangeli paLuther yomOwambokavango sha gongala mEngela 4-7.10.1966.

Oshigongingerki osho oshinene mOngerki yetu notashi lele Ongerki ayihe. Osho ihashi gongala omumvo kehe shi kundathane noshi tokole iinima yOngerki, ohashi hogolola Epangelongerki ndyoka tali lele notali tokola iinima yOngerki pankondo dhOshigongingerki.

Iilyo yoshigongingerki oyo aasita yOngerki ayihe, naatumwa yomagon-galo gOngerki naatumwa aasoomi.

Moshigongingerki shika omwa li iilyo yi thike 177. Kakele kiilyo ya tumbulwa omwa li wo aayenda ya simana ya zi koongerki oomwameme dhomUushimba, omuwiliki gwOngerki Onkwaevangeli paLuther yomUushimba, tatekulu Diehl nomuyenda a zi kOndowishi, Bezenberger. Osho omukuluntu gwOskola yuusita omusamane Milk, ngoka e ya wo peha lyongerki omwameme yaandowishi yomUushimba nomedhina lyoskola yuusita, nomusita-gongalo Boois, omukwanepangelongerki gwongerki yokUushimba.

Moshigongi omwa ithanenwa wo aalongwasita yokOtjimbingwe iilyo yOngerki yetu.

Oshigongingerki osha tamekwa nelongelokalunga. Oliturgi oya ningwa kaasita Johannes Shifiona naHosea Nampala, nomuuvithi melongelokalunga omusamane Milk. Aasita ayehe yOngerki aavalelwamo naatumwa mokusimaneka oshigongingerki oye ya momikweyo ya zala oombayikitha dhawo dhuusita.

Sho pwa konakonwa tango oonzapo dhuukwashigongi, opo ihe Omumbisofi L. Auala a kundu oshigongi netumbulo li li muJak. 1:1-5. Nokwa halele oshigongi eudho lyombepo Ondjapuki. Jason Amakutuua omutonateli gwoshitayi shUuningini, a hogololwa koshigongi a kale omupehamuwiliki gwoshigongingerki. Omusamane Hans D. Namuhuja nomusita Apollos Kaulinge, ya hogololwa koshigongi ya ninge aanyoleli yasho.

Omumbisofi a hokolola iilonga yOngerki methimbo lye nomaudhigu nomayambeko gaKalunga oga li o-gendji noshigongi osha dhimbulula Kalunga ota kondjele shili Ongerki ye. Mekoko lyOngerki tamu tegelelwa wo ehokololo, nkene tayi humu komeho

miiniwe. Osho amushanga nomudhiginini gwiiniwe yOngerki tate Matias Ngipandulua, a hokolola shoka she ya miiketha nashoka sha piti mo, noshipopiwahokololo osha li sha tungwa nuudhiginini. Aakonakoni yiketha oya eta wo shoka ye shi dhimbulula mokukonakona iiketha yiniwe yOngerki. Aakonakoni yiketha yemona lyOngerki sho ya hulitha, opwa hogololwa ihe aakonakoni aape, oyo aasita Kornelius Ndjoba naHosea Nampala ya kale mo, sigo okoshigongingerki oshikwawo. Oshigongi she etelwa onkundana yenyanyu: Omuwilikitumi omupe A. Hukka sho a hogololwa.

Oshigongingerki osha ningilwa wo ootundimbimbeli komwevangeliste gwOngerki tate E. Angula noomwenyo odha huhulukwa nawa pomulilo gwohole yaJesus.

Oshilonga shUudiakoni osha kundathanwa, nopwa dhimbululwa oshilonga shokukwatha oohepele, aakulupe aaposi niilema osho oshilonga shokuuvitha wo evangeli. Onkee pu nedh'ladhilo netegelelo, Ongerki yi tameke oshilonga mokati kaaposi naathitamatsi. Epangelongerki oli indile nale nokuli omiyalu dhaaposi dhi tuminwe kOmbelewangerki.

Noshilonga shUudiakoni osho oshilonga shohole nomukriste kehe ota tegelelwa a longe oshilonga shika. Oshigongi osha dhimbulula oshilonga shika oshinakugwanithwa shomukriste kehe oshilyo molutu lwaKristus. Memme Irja Repo nomusamane J. Amakutuua natate V. Simojoki, oye tu pe uyezelele owindji moshinima shika.

Ngaashi sha popiwa metetekelelo moshigongingerki shika mwa hogololwa Epangelongerki epe, niilyo oyo: Jason Amakutuua moshitayi shUuningini, Josia Mufeti moshitayi shUukwan-yama, Johannes Gweendama moshitayi shOndonga naNatanael Sirongo moshitayi shaKavango naVaino Simojoki peha lyaatumwa aasoomi. Ondjalulamasiku yomumvo tagu ya otayi ketu etela Epangelongerki alihe.

Moshigongi shika mwa kundathanwa wo Egeelopotudho ngaashi sha etwa mo komusita J. Mufeti noshigongi osha tula omuthindo mpaka kuya, egeelopotudho kashi shi oshinima shuutondwe, ihe olyo omuti tagu aludha iilalo notagu hungu omwenyo gwa ala. Aasita P. Andreas naE. Neromba ya hokololele oshigongi oshilongatu-

mo mokati kaapagani. Pwa imbwa "Osima ongay' tii ku pandula."

Tatekulu V. Kaulinge e tu etele oshipopiwa tashi popi uupagani uupe. Nokwa holola uupagani uupe owo okulongela Kalunga nomitima mbali. Okahalu keliko oko ekota lyuupagani uupe.

Omusamane Hans D. Namuhuja, B.A. a etele oshigongi oshipopiwa tashi popi onkalathano (sosiale). Oshigongi osha dhimbulula oluhepo lwoshigwana sho shaa na ooveta dhonkalathano dha nyolwa okugamena nokukwatha mboka ya pumbwa ekwatho.

Oshigongi sha dhimbulula ehanganoluyaakondjithi yuukolotha otali pumbiwa mOngerki yetu li kole, niilyo iipe yi holoke, oshoka oshigwana otashi ningine mo.

Kuku Maija Kantele ngoka a kala muupyakadhi woku tu opalekela Eimbilo lyEhangano a hololele oshigongi ashihe shoka e shi kambadhala mokwoopaleka omaimbilo. Oshigongi osha tokola Eimbilo lyEhangano ndyoka lya opalekwa nawa kukuku, li nyanyangidhwe. Mwa tokolwa okugwedhelwa mo omaimbilo gatano gomOrukwangali.

Amushanga gwOngerki M. Ngipandulua a etele oshigongi uyezelele nkene iiniwe yOngerki yi shi kutanithwa, noonkambadhala odhindji odha ningwa, noshigongi sha tokola omulumentu a fute iigandjwa ye omumvo kehe R1.00 nomukiintu a fute 70c. Naashika osha fala sigo oompaka, iilya yomagongalo yi landwe 70c molata ngaashi palwe wo.

Pehulilo oshigongi osha kala poompadhi dhOmuwa naJesus a gandja ngeyi oonkondo nedhimopo lyoondjo kaapiya ye mUulalelo Uuyapuki meyakulo lyatate Seppo Löyty naPentti Toivanen.

Kalunga na pandulwe.
Petrus Shipena naIrja Eirola.



Oohapu dhoye odho uyezelele mondjila yandje.

ENANGEKO



Omwevangeliste Absalom Naulondo, oyoo eli omutumba komesho kolumosho mefano

Enangeko lomwevangeliste Abisalom Naulondo, ola ningwa eti -12.6. 1966, mOmaruru. Omwevangeliste ou okwa longa efimbo lile moUsakos nokwa li omuyakuli womushamane Martunen. Paife a nangekwa mOmaruru mefiku tuu olo. Eongalo alishe la ongala, ovanama novaherero novawambo. Omwevangeliste Naulondo a fikama poartali nokwa nangekelwa noupuna moshilonga shaye. Ovayakuli vaye ova li P. Laukkanen, Kulman, G. Max. Omukulunhuongalo la N. G, omufitaongalo Kulman, a ninga elongelokalunga, oshitukulwa shotete mOshinama neudifo la ningwa komufitaongalo G. Max nosho yo elongelokalunga laxuuninwa. Epopifo lomushamane P. Laukkanen la ningwa yo.

Kalunga na nangeke noupuna eumbo noshilonga shatate Naulondo. Tu va dimbulukweni alushe momailikano etu.

G. Max.

ESHIVIFILO

Ovakwanyama ovaholike, ohatu mu shivi nelineekelo mu lande embo Oilonga yovayaposhitoli. Paife otali landwa 5c ashike, nale 15c, osheshi Ombibelihangano ya futa 75% dofuto yembo keshe, ngaashi hai futu eembibeli noitukulwa ikwao yomambo omOmbibeli oyo tai ka holuka komesho.



Magdaleena Namalenga.

TU GALIKANENENI

Onda kala ethimbo nda yuulukwa omukwathi moshilonga shika shetumo mUutsathima. ODepartemente yuulongi oya kala wo yi uvite uudhigu okupa ndje omulongi omolwomwaalu gwaalongwa itagu gwana aalongi yaali. Oshoka aanona ohaa gongala ethimbo limwe oyendji, yo mokati koshikakotaa kana po ishewe.

Onkee ano mokulonga nda kala ndi uvite uudhigu okukwatha aalongwa yoongundu mbali, Sub A na B. Onda kala nokwiindila tate Kalunga a pe ndje omuntu ta vulu okukwatha ndje muSub A, manga te tsikile na B komeho.

Eti-10.8.66, Kalunga tate okwa yamukula ndje momugundjuka nguka Selma N. Nambombola gwegongalo lyokOniimuandi. Okwa igandjela oshilonga shetumo mUutsathima. Okwa taamba ongundu yaashona naanene yamwe mboka taa tameke.

Omugundjuka okwa igandjela oshilonga shOmuwa nomwenyo gwe aguhe. One aagundjuka, dhimbulukweni omugundjuka nguka S. N. Nambombola momagalikano geni, opo Kalunga e mu pe oonkondo oompe nehalo ewanawa netilo okutula Omuwa, opo a longe oshilonga shika shohole mokati kaayelee. Ngashika tamu vulu oku mu humbata momagalikano geni, osho wo mu dhimbulukweni koompumbwe dhopalutu. Keli po omulongi gwepangelo, tashi ti ando ha mono ekwatho kEpangelo lyoosikola ngaashika ngame aawe. Ota longo patumo. Onkee tandi ti mu dhimbulukweni pampumbwe yopalutu wo. Nane wo oomeme nootate tu dhimbulukweni momagalikano geni.

Omutumwa, Max Endjala.

OMBILIVE YOMUNASKOLA GWETU MUSOOMI

Seurkuntaoopisto,
Jarvenpää,
30 Auguste. 1966.

Epangelongerki lya simana,

Ethimbo alihe lya yi onda mono eenditho ewanawa lyaKalunga, okuza tuu kOniipa sigo okOvenduka, nosho medhila sigo ohuka kOsoomi.

Ondi nepandulo enene, Kalunga sho a longitha iilyo yEpangelongerki ya simana okuziminina ndje ompito yokwiilonga Omusiki. Otandi hambelele Kalunga sho e shi ningi tashi vulika.

Eti-25. 5. 1966 onda yile kekonakono lyetaambo, nonda konakonwa ngeyi: Onda imbi tandi hiki shoka ndi shi shi momutse nopo nda hiki wo sha oshipe (Primavisto), tandi hiki membo lyomaimbilo.

Tandi imbi nokulesha oonote, opo natango ekonakono lyokuuva nokuyoolola omawi.

Ashihe sha ende nondjila yu udha eyambeko, nonda taambelwa mo mskola.

Edhina lyosikola yetu olyo Sibelius-Akatemia. Omu niitayi yi ili noyi ili. Omukuluntu gwoshitayi shuumusiki wopaNgerki Dir. Mus. Harald Andersén, oye a konakona ndje. Omukuluntu gwoAkademi ayihe oye Professor Tanelikuusisto. Ayehe oya taamba ndje, nosho ehambelelo lyandje.

Atuhe aamusiki yopaNgerki otu niwike 3 okwiilonga okutseya Ongerki negongalo nOmbimbeli kehe omumvo gwsikola. Ngashingeyi twa tameke 22.8.-10.9. Iilongwa yopamusiki tayi tameke eti-12. 9. Muyo tatu ilongo wo Uuliturgia, omolu okuhika melongelokalunga.

Epandulo lyandje enenenene, onke te tsoongolo ndi mu hambelele. Epandulo lyandje enenenene kEpangelongerki lyetu lya simana, sho lya ziminine ndje ompito ndjika ombwanawa yokwiilonga.

Nomahaleloyambeko miilonga yeni ya simana noyi nondilo onene.

Gweni,
Magdaleena Namalenga.

LONGELENI OMUWA NENYANYU, HOLOKENI KOSHIPALA SHE NELIGOLO.

AAKULUNTU YAMWE MONGERKI YOWAMBOKAVANGO

Ongerki oyi na aalongi yomaatumwa naavalelwamo taa longo oshilongangerki paimpwiyu yayo yi ili noyi ili.

Ope na yamwe taa yakula ombinga yimwe po yoshilongangerki, ihe opu na yamwe taa yakula medhina halyombinga yimwe po, ihe omedhina lyongerki ayihe. Omadhina gayamwe nomafano gawo otaga monika muka.

Aalongi moskola yuusita mOtjimbingwe, na mboka taa longo etumo maapagani muuzilo nomuunginino wOwambo, aalongi yEnongelo lovayakuliongalo mEngela, niilonga yokunya-nyangidha omambo niifo yongerki, natu ya tumbule wo, oshoka mboka otaeye yi longo medhina lyongerki ayihe.



Omusamane **Timoteus Shipanga**, okwa yakula egongalo lyElim nokwe ya kOniipa. Okwa longo oskola yaasita muElim nOtjimbingwe nopo a ningi omutonatelishitayingerki shOndonga.



Omusamane **Ismael Nhinda**, okwa kala omusita mEngela, sigo a ningi omutonatelishitayingerki shUukwanyama nosho wo omupehamuwiliki mepangelongerki. Nuumvo pehala lye muutonatelishitayingerki opwa hogololelwa omusitagongalo Kornelius Djoba.



Omumbisofi **Leonard Auala**, oye gwotango muutonatelishitayingerki maavalelwamo, oshilonga shika sho sha zi maatumwa.



Omusamane **Jason Amakutuua**, omutonatelishitayingerki shUuninginino, a yakula mOniimuandi nomEnongelo lyaayakuligongalo mEngela. Moshigongingerki shonuumvo okwa hogololwa a shune muutonateli woshitayingerki shUuninginino. Okwa hogololwa wo a ninge omupehamuwiliki mepangelongerki nomupehamuwiliki gwongerki.



Kuku **Helmi Haapanen**, oye omukuluntu gwooskola dhopoongulu. Iimaliwa tayi zi kepangelo oye te yi taamba nota tala nkene tayi longithwa pampumbwe dhooskola. Oshilonga shika ote shi longo medhina lyongerki yetu ayihe.



Omusamane **Matias Ngipandulua**, amushanga gwongerki, okwa yakula nale egongalo lyOshigambo, Okankolo, Ontananga. Okwa longo osikola yaasita muElim nOtjimbingwe nopo e ya kOniipa.



Omusamane **Efraim Angula**, okwali nale omutonatelishitayingerki shOndonga, sho a landula omumbisofi moshilonga shika. Ngashingeyi omwevangelistesita gwongerki ayihe, ano omuuvithili gwongerki ayihe. Oye a tseyika nawa sho ha talele po nokuuvithila niwikembimbeli egongalo kehe mOwambo, Okavango, nokUushimba.



Omusamane **Elia Neromba**, oye gwotango maakavango a hogololwa omutonatelishitayingerki shOkavango. Moshigongingerki nuumvo okwa hogolululwa ishewe a kale muutonateli we.

OUNYUNI OTAU TONGO SHIKE

Suid-Afrika netokolo la V.V.O.

Omushamane Vorster, oministeli yotete yaSuid-Afrika, kombinga yetokolo laV.V.O. olo tali ti Suid-Afrika a kufwe epangelo laSuidwes, okwa ti ngaha:

Etokolo olo kali li mondjila. O-Republika yaSuid-Afrika itai liwalinga nalo. Etokolo olo olishekifa nde kali shi okulongifwa, onghe epangelo kali na ko nasha nalo. Elaka eli a yandja kovapiya otali ti: Twikileni ashike oilonga yeni. Epangelo otali twikile ashike okupangela Suidwes.

Okwa weda ko natango ta ti: Ngenge omatokolo aV.V.O. taa landulwa kutya, e uye shili a shindane kufye, ita kanghelwa nande muSuidwes ile muSuid-Afrika. Eendjovo edi okwe di popila moshongalele shimwe nde okupopya kwaye okwa nyamukulwa komakuwililo, a dja muovo va li po.

Oministeli oya fatula yo kutya, omatokolo aV.V.O oku na sha koshi e shi kwetele Suid-Afrika. Okwa shiivifa kutya, ngeno oilyo yaV.V.O. iha shindane.

ETWALO LOMAHOOI MUZAMBIA LA PATA

Brittanje mafiku aa okwa efa okuyandja omahooli kuZambia. Okwa li ha yandjele Zambia omahooli, sha dja eshi Rhodesia a fitika ondjila yoshito yokutwala omahooli muZambia. Oilongo ei ivali oya kala tete meenghunda fana, opo nee omahooli a patwa.

Ookudja Desemba womudo wa ya omahooli okwa kala haa di muDar-es-Salaam tae uya muZambia, neudo okwa kala haa dilile muNairobi. Memimbo alishe olo, Zambia ola longifa omahooli eengalona didule eemilijona mbali.

V.V.O. ITE TU HALULA NOMATOKOLO

Omushamane T. E. Dönges. okwa popya muOos-Londen ta ti: Omatokolo aV. V. O. itae tu halula ndele nde lineekela yo kutya, oilongo imwe yafimana nayo itai efa i puki fwe komatokolo eendunge doipupulu.

Okwa tamekifa oshoongalele muOos-Londen nde ta weda ko ta ti: V. V. O. ota ka mona kutya, Suid-Afrika ke fi okatana.

OMUPRESIDENTE SWART

Omupersidente waSuid-Afrika, omushamane R. Swart, okwa fofodolwa kutya, e noku ka efa oupresidente waye modula oyo tai uya. Oye okwa kala nale oshilyo shomoshongalelepangelo nde 1961 eshi Suid-Afrika laininga oRepublika, oye a ninga omupresidente wotete woRepublika.

INA TEGELELA IITA, FOUCHE A TI

Okwa gandja edhiladhi tokolo lya Suid - Afrika

Ina tegelela omatanga anuwa giita ga thikame nokukondja muSuidwes patokolo ando lyaV. V. O. molwo-shitopolwa shika. Ina itaala Suid-Afrika tali pumbwa okugamena noonkondo dhalyo Suidwes.

Ngele nani otashi pumbiwa, S.A. ota ka gamena ngaashi ta vulu okukalamwenyo kwaSuidwes. Shika osha popiwa komunisteli Jim Fouche, gwijilonga yomatungo noyomeya, sho a tamekitha oshigongi mOvenduka omasiku ngaka.

Omushamane Fouche, nale a li oministeli yepopilo, okwa ti kutya, Suid-Afrika okwa tseye kutya oku li kombinga yoombepo tadhi mu pepele nayi. Onke okwi ilongekidha nale nookuli okukoleka omatanga gaaslotati nokwa longekidha nale eliko lyoshilongo likale lya gwana okupita nokukwatha momathimbo omadhigu ye ga tegelela.

Okwa popi kutya, oshilongo osha kolekwa nawa niikondjitho yomaludhi yakola naaslotati oyendji. Okwa ti ita popi mbika omokuhalutha ando uuyuni auhe ihe okupameka aakalimo yaSuid-Afrika naSuidwes, ya tseye kutya, Suid-Afrika ita sholola ye ita pe ko ombunda.

OSHOONGALELE SHA HALA ETULOKUMWE

MOvenduka omwa gongalele oshigongi shimwe omasiku ngaka ga zi ko. Osha tokola shi tume eindilo lyasho kepangelo lyaSuid-Afrika. Eindilo otali indile Epangelo lyaSuid-Afrika li tule kumwe Suid-Afrika na Suidwes. Ekwatathano ndyoka lya kala po shito li pamekwe unene nuupe shi vule nale. Omadhiladhilo ngoka oga pendulwa molwetokolo lyaV.V.O.

OMEVAFUNDJA A KUNGULULA MUITALIA

Onghundana yadja muItalia oya ti: Omeva madjuu a panuka mefuta okwa kungulula po ombinga inene ya kunghula kefuta. Omaumbo mahapu, eemwenyo nomaliko oya halakanifwa po komeva.

Omushamane C.R. Swart, oupresidente yaSuid-Afrika, okwa tuma ondelekelama kuGuiseppe Saragat, oupresidente yaItalia, yeuditonghenda molwoshiponga she va hanga.

HE A NYIKA OLUHODI LINENE

OUDTSHOORN. - Omushamane Oldenholt, omulumenhu ou a kambuka nde a hakulwa eshi a haluka unene, sha ningwa eshi a uda kutya, ounona vaye vatano va fya muHolland, kwa fika nawa muHolland kepako lonona vaye. Pakuhokolola vati omukulukadi waye oye a tetaula po ounona vaye aveshe nekuva.

Kaume komushamane Oldenholt umwe okwa ongela nokuli vati R200, di fute ondjila yokuya kuHolland.

EPWILIKINONGHUNDANA LASUIDWES OTALI NENEPALA

Johannesburg. - Ehangano lokutuma eenghundana daSuid-Afrika, otali hovele 19 Desemba neudo okutumina eenghundana muSuidwes naanaa. Etumonghundana eli ola dingilila naanaa Suidwes. Elalakano olo okuudifako ovaSuidwes nawa eenghundana. Eengudana tadi kala mOshimbulu nosho mOshiingilisha. Otadi kala hadi tumwa 1. 25 na 7. 00. komatango mOshimbulu nosho 9. 15, onguloshi melaka laLondon. Momalomakaya otadi tumwa 1. 25

ONGHUNDANA YOLUHODI

Onghundana yoluhodi otai ti ngaha: Omumatinyeumbo Sakaria Nghihangakenua, womeongalo Edundja, okwa dipawa kovaputu eti-11/11/66. Ove mu yasha nde a fya pefimbo olo.

Omumati ou okwa hangwa ta findikile mumwaina wokOputu kwa li e va talela po. Okwe mu findikila fiyo oponghulo yodalate yonhaululi. Ye ina tauluka odalate nde ovaputu ove mu yashela kombinga ei yaSuidwes (kOdjoni yavo). Nakufya okwa hangika opo a di kOlange.



Oshigongi shotango shaanangeshefa 1964, mOwambo.

ESHIVIFO

Kookaume nye amushe mwa pula omapulo omolwelihongo mEnongelo lovayakuliongalo mEngela 1967.

Oshipandulwa noshiwa eshi mu na ehalo lapama okulihonga, ehalo liwa inali kana manga, longeleni Omwene weni nehafo neteelelo liwa.

MODULA TAI UYA, ITAKU TAMBULWA OVAHONGWA VAPPE, NDELE OTA MU KALA ASHIKE ONGUDU YOVADIKONI OYO YA KALA MO NEUDO, OPO TAMU KA WEDELWA, OMAFIMBO NOMAFIMBO, OYOONGALELE IXUPI YOVANHU VE LILI NOVE LILI, FIYO OMUDO WA PWA KO. OMASHIVIFO AYO TAA KA KALA HAA HOLOKA MOMUKWETU. HANO MU LESHA ALUSHE, OVE U UYE NGE TO SHIVWA KOSHIONGALELE SHOYE.

ENONGELO LOVAYAKULIONGALO OTALI PANDULA AVESHE VA HOLOKA MULO 1966, NOVAILIKANENI VALO. KALUNGA NE VA PUNIKE ALUSHE.

J. Mufeti.

MBESTELA

OMUKWETU oye oradio yomuwambo. Oye omuudifi munene muSuidwes. Ile owa nyika oshikuluwambo? Mumbestela divadiva.

IGANDJA! INEKELA! VULIKA!

Aana yaKalunga oyendji oya hala nokuhalelela ya mone eyambeko lyedhimopo lyoondjo dhawo adhihe. Oya hala wo ya mone esindano nenyanyu lyomeitaalo noonkondo dhokulongela Kalunga. Olwindji twa yematele uukukutu woomwenyo dhetu notwa yuulukwa ethimbo lyetalaleko. Twa yuulukwa tu dhimbulule shili Omuwa Jesus Kristus, a kale mutse. Ohatu galikana, ihe otatu dhimbulukwa nkene twa zi einekelo nale. Konyala itatu vulu we okutege'ela tu mone shoka twe shi indile. Epuko oli li peni?

Omauvaneko gaKalunga ogo omanene nomawanawa unene. Otse inatu limbililwa oonkondo dhe dhokugwanitha omauvaneko ngoka noku-gwedhela po oshindji nopumbyoka hatu yi indile. Onke ano ngele inandi pewa sha, nena epuko oli noku-kala mungame. Pamwe ndi indile shoka nde shi pewa nale? Esiku limwe tatu indile tu pewe nokuli omagano gOmbepo Ondjapuki meitedhululo lye. Ombepo Ondjapuki ita thigi po oitaali. Kamu shi shi, one otempeli yaKalunga? 1Kor.3:16. Nenge kamu shi shi, omalutu geni ogo otempeli yOmbepo ngoka Ondjapuki e li mune nomwe mu pewa kuKalunga, 1Kor. 6:19.

Maria S. Nambambi.

AALESHI TAA NYOLA

V. G. Haikali, Walvis Bay, ota ti ngaha: Kalunga okwa lombwela Adam ta ti: "Lya komiti adishe, ndele komuti wokushiiva ouwa nowii ino lya ko." Adam okwa keelelwa okulonga ehalo laye mwene. Okulonga ehalo loye mwene oku na oshiponga. Ope na okukala oshipango tashi tu keelele. Eendjovo daKalunga otadi tu longo, tadi tu pukulula, tadi tu hanyene. Ohatu ningi nawa, ngenge hatu kala ngaashi tadi popi. Haikali ota kumaida yo omahombolo a diininwe, haku a tala ngaashi okati komokutwi.

M. P. Nailenge, Walvis Bay, ota ti: Pehulilo lyomuvo gwa yi sigo petameko lyomuvo nguka omupe, onda kala mu Kaapstad. Onda tala, oshilongo oshitiwanawa sha tungwa nawa. Ihe onda tila, oshoka oonte dhoshipango oshitanano inadhi minikila mo nawa. Moo-sitata omu udha omadhipagathano. Onda zi ko nda kwatwa shili kehaluko.

H. M. Risto Haindongo, Tsumeb, ota ti: Nove lirandera liva rofeyi makura to ru dwara mombunda zoge. Simwe selike wa hara kukwa momema, yeyi ntene oru tura metata taru zonauka. Ponye wa hara tura momema. Papara Jesus Kristus makura to mu zedilire membo lyoge noku mu kwata mawoko gavali noku mu hunguvara, ove wa hara mu tura momema. Resa hena Jeremia 13: 1-6.

A. Natangwe Iita Oshitayi ota ti: Ekondjo kehe lyopauyuki oli na ondjambi. Okuninga lyaa shi lyopauyuki, tali tsu ondumbo nehalo lyOmushiti. Kondja pauyuki neinekelo. Otatu kondjo tu thike kondjambi yesindano, hako-mbanda yevi ashike, ihe unene tu thike mesindano megulu.

PEPAKO LAVERWOERD

Eudifo lepako lanakufya Verwoerd, la udifilwa puUniegebou, ola ningwa komuhongi J. S. Gericke, omuwilikingerki (moderator) wongerki N.G.K muKaapstad.

Omuhongu Gericke okwa lesa 2Samuel 10:12, odo tadi ti: "Likolelela, tu litweni omukumo, tu kondjeleni oshilongo shetu noshilando shaKalunga ketu. Omwene oye na longe osho she mu wapalela."